



ԵՐԵՎԱՆԻ ՔԱՂԱՔԻ ԱՌԱՋԻՆ ԱՏՅԱՆԻ ԸՆԴՀԱՆՈՒՐ  
ԻՐԱՎԱՍՈՒԹՅԱՆ ՔԱՂԱՔԱՑԻԱԿԱՆ ԴԱՏԱՐԱՆ  
ԷՐԵՐՈՒՄԻ ՆՍՏԱՎԱՅԻՐ  
(ՀՀ, համայնք Երեւան, Էրեբոնի, Խորենացու Փ., մասնաշենք 162Ա)



**Ո Ր Ո Շ ՈՒ Մ**

**ՀԱՅՅԱԿԻՄՈՒՄԸ ՎԱՐՈՒՅԹ ԸՆԴՈՒՆԵԼՈՒ,**

**ՊԱՏԱՍԽԱՆՈՂԻՑ ԱՊԱՅՈՒՅՑՆԵՐ ՊԱՀԱՆՁԵԼՈՒ ԵՎ**

**ԳՈՐԾԸ ԳՐԱՎՈՐ ԸՆԹԱՑԱԿԱՐԳՈՎ ՔՆՆԵԼՈՒ ՄԱՍԻՆ**

ԵԴ2/8014/02/24

9 Հոկտեմբերի 2024թ

ք. Երևան

Երևան քաղաքի առաջին ատյանի ընդհանուր իրավասության քաղաքացիական դատարանը (այսուհետ՝ դատարան), նախագահությամբ դատավոր Արման Օհանյանի, ծանոթանալով «Էսգեթ Ֆարմ» ՍՊ ընկերության ընդդեմ «Բերդի բժշկական կենտրոն» ՓԲ ընկերության՝ խնդրում եմ անվավեր ճանաչել 1. 26.08.2024թ «Բերդի բժշկական կենտրոն» ՓԲԸ-ի կողմից «Բերդի բժշկական կենտրոն» ՓԲԸ-ի կարիքների համար ապրանքի մատակարարման թիվ ԲԲԿ-ԳՀԱՊՁԲ-24/13-3 ծածկագրով պայմանագիրը միակողմանի լուծելը 2. 05.09.2024թ. «Բերդի բժշկական կենտրոն» ՓԲԸ-ն ի տնօրեն Արմեն Մարդանյանի կողմից ընդունված N ԲԲԿ-2024/5 որոշումը «Էսգեթ Ֆարմ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու վերաբերյալ : ,Սիստեմային, հիմք ընդունելով ՀՀ քաղաքացիական օրենսգրքի 109-րդ հոդվածը, խնդրում եմ դատական ծախսերը բաշխել ըստ բավարարված հայցապահանջի, որի մեջ ներառել նաև փաստաբանի խելամիտ վարձատրության գումարը՝ 300.000 (երեք հարյուր հազար) ՀՀ դրամի չափով՝ համաձայն կից ներկայացված հանձնարարության պայմանագրի: պահանջների մասին հայցադիմումին.

**Պ Ա Ր Ձ Ե Ց**

03.10.2024 թվականին <<ԷՍՁԵԹ ՖԱՐՄ>> ՍՊԸ-ի ներկայացուցիչը հայցադիմում է

ներկայացրել Դատարան ընդդեմ <<Բերդի բժշկական կենտրոն>> ՓԲԸ-ի՝ 26.08.2024 թվականին <<Բերդի բժշկական կենտրոն>> ՓԲԸ-ի կողմից <<Բերդի բժշկական կենտրոն>> ՓԲԸ-ի կարիքների համար ապրանքի մատակարարման թիվ ԲԲԿ-ԳՀԱԳԶԲ-24/13-3 ծածկագրով պայմանագիրը միակողմանի լուծելն անվավեր ճանաչելու և <<Էսգեթ Ֆարմ>> ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու վերաբերյալ 05.09.2024 թվականի <<Բերդի բժշկական կենտրոն>> ՓԲԸ-ի տնօրեն Արմեն Մարդանյանի կողմից ընդունված N ԲԲԿ-2024/5 որոշումն անվավեր ճանաչելու պահանջի մասին:

03.10.2024 թվականին հա. ԵԴ2/8014/02/24 քաղաքացիական գործը էլեկտրոնային համակարգի միջոցով մակագրվել է Դատարանի դատավոր Ա.Օհանյանին, իսկ քաղաքացիական գործը Դատարանի դատավոր Ա.Օհանյանին հանձնվել է (համակարգում հասանելի է դարձել) 04.10.2024 թվականին:

### III

(ՊԱՏՃԱՌԱԲԱՆԱԿԱՆ ՄԱՍ)

Դատարանը, քննության առնելով ներկայացված հայցադիմումը, գտնում է, որ հայցադիմումի ընդունումը մերժելու կամ այն վերադարձնելու հիմքեր առկա չեն, հայցադիմումը համապատասխանում է ՀՀ քաղաքացիական դատավարության օրենսգրքի 121-րդ և 122-րդ հոդվածների ու 27.2-րդ գլխով նախատեսված հոդվածների պահանջներին, ուստի ենթակա է վարույթ ընդունման:

ՀՀ քաղաքացիական դատավարության օրենսգրքի 234.6-րդ կետի 2-րդ մասի համաձայն՝ հայցադիմումը վարույթ ընդունելու հետ միաժամանակ դատարանը կայացնում է որոշում՝ պատասխանողից տվյալ գնման գործընթացի հետ կապված պատասխանողի տիրապետման տակ գտնվող բոլոր ապացույցները պահանջելու մասին:

Մինչև 3-րդ կետի համաձայն՝ ապացույցներ պահանջելու վերաբերյալ որոշումը կատարվում է պատասխանողի կողմից որոշումն ստանալուց հետո՝ հնգօրյա ժամկետում: Մույն մասով նախատեսված ժամկետում պատասխանողի կողմից ապացույցներ պահանջելու վերաբերյալ որոշման պահանջները չկատարվելու դեպքում գործը քննվում է դրանում առկա ապացույցների հիման վրա, իսկ հայցվորի վկայակոչած այն փաստերը, որոնք ենթակա են հաստատման պատասխանողի տիրապետման տակ գտնվող ապացույցներով, համարվում են հաստատված:

Հիմք ընդունելով վերոգրյալ հոդվածների պահանջները՝ Դատարանը գտնում է, որ պետք է պատասխանող <<Բերդի բժշկական կենտրոն>> ՓԲԸ-ից պահանջել նշված ապացույցները, որոնք վերջինս պետք է դատարան ներկայացնի որոշումն ստանալուց հետո՝ հնգօրյա ժամկետում:

ՀՀ քաղաքացիական դատավարության օրենսգրքի 234.10-րդ հոդվածի 1-ին մասի համաձայն՝ վիճարկվող գործողությունների (անգործության) և որոշումների հիմքում ընկած հանգամանքների, ինչպես նաև տվյալ գործողությունների (անգործության) կատարման և որոշման ընդունման օրենքով, այլ իրավական ակտերով սահմանված կարգը պահպանված լինելու փաստերն ապացուցելու պարտականությունը կրում է պատասխանողը:

Նույն հոդվածի 2-րդ մասի համաձայն՝ պատասխանողը վիճարկվող գործողությունների (անգործության) և որոշումների իրավաչափությունը հիմնավորող ապացույցներ կարող է ներկայացնել միայն ապացույցները պահանջելու որոշման կատարման ընթացքում, բացառությամբ այն դեպքերի, երբ հիմնավորում է ապացույցի ներկայացման անհնարիությունը իրենից անկախ պատճառներով:

### IV

(ԵԶՐԱՓՈՒԿ ՄԱՍ)

Ելնելով վերոգրյալից և ղեկավարվելով ՀՀ քաղաքացիական դատավարության օրենսգրքի 124, 125, 234.5 և 234.6, 234.9, 199-200 հոդվածներով՝

### ՈՐՈՇԵՑ

1. Հայցադիմումն ընդունել վարույթ և գործը քննել գրավոր ընթացակարգով:
2. Պատասխանող «Բերդի բժշկական կենտրոն» ՓԲԸ-ից պահանջել «ԲԲԿ-ԳՀԱՊՁԲ-24/13-3» ծածկագրով գնման գործընթացի հետ կապված «Բերդի բժշկական կենտրոն» ՓԲԸ-ի տիրապետման տակ գտնվող բոլոր ապացույցները:
3. Պարզաբանել կողմերին, որ՝
  - ապացույցներ պահանջելու վերաբերյալ որոշումը կատարվում է պատասխանողի կողմից որոշումն ստանալուց հետո՝ հնգօրյա ժամկետում, և այդ ժամկետում պատասխանողի կողմից ապացույցներ պահանջելու վերաբերյալ որոշման պահանջները չկատարվելու դեպքում գործը քննվում է դրանում առկա ապացույցների հիման վրա, իսկ հայցվորի վկայակոչած այն փաստերը, որոնք ենթակա են հաստատման պատասխանողի տիրապետման տակ գտնվող ապացույցներով, համարվում են հաստատված:
  - վիճարկվող գործողությունների (անգործության) և որոշումների հիմքում ընկած հանգամանքների, ինչպես նաև տվյալ գործողությունների (անգործության) կատարման և որոշման ընդունման օրենքով, այլ իրավական ակտերով սահմանված կարգը պահպանված լինելու փաստերն ապացուցելու պարտականությունը կրում է պատասխանողը:
  - պատասխանողը վիճարկվող գործողությունների (անգործության) և որոշումների իրավաչափությունը հիմնավորող ապացույցներ կարող է ներկայացնել միայն ապացույցները պահանջելու որոշման կատարման ընթացքում, բացառությամբ այն դեպքերի, երբ հիմնավորում է ապացույցի ներկայացման անհնարիությունը իրենից անկախ պատճառներով:
  - հայցադիմումի պատասխանը ներկայացվում է հայցադիմումը վարույթ ընդունելու մասին որոշումն ստանալուց հետո՝ հնգօրյա ժամկետում:
  - քաղաքացիական դատավարության օրենսգրքի 234.11 հոդվածի համաձայն՝ պատվիրատուի և գնահատող հանձնաժողովի գործողությունների (անգործության) և որոշումների (բացառությամբ «Գնումների մասին» Հայաստանի Հանրապետության օրենքի 6-րդ հոդվածի 2-րդ մասով նախատեսված որոշումների) բողոքարկումն ինքնաբերաբար կասեցնում է գնման գործընթացը՝ սույն օրենսգրքի 234.6-րդ հոդվածի 5-րդ մասով նախատեսված որոշումը հրապարակվելու օրվանից մինչև վեճի քննության արդյունքներով առաջին ատյանի դատարանի կայացրած եզրափակիչ դատական ակտն ուժի մեջ մտնելու օրը:
4. Եզրափակիչ դատական ակտը հրապարակել 15.11.2024 թվականին դատական իշխանության պաշտոնական կայքի միջոցով:
5. Որոշումն օրինական ուժի մեջ է մտնում կայացման պահից և ենթակա չէ բողոքարկման:

**Դատավոր՝ Արման Օհանյան**

---

Տվյալ ֆայլերին կարող եք ծանոթանալ նաև մուտք գործելով "Էլեկտրոնային դատավարություն" համակարգ՝  
[cabinet.armlex.am](http://cabinet.armlex.am)